

口於交河嶄上戶口口軍

按墓表書卒書薨例則於上當爲卒字戶下疑爲曹叅二字蓋戶曹叅軍爲高昌官名例如畫承墓表曹孟祐墓表均有是稱也

索氏妻張孝英墓表 專五六

延昌卅口年乙卯歲十一月朔乙卯四日丁巳

按延昌卅五年卽隋開皇十五年歲在乙卯則卅下當爲五字又按朔日爲乙卯則四日當爲戊午

張氏墓表 專六一

延昌口年壬午歲四月口庚子十口口庚戌

按延昌二年卽周保定二年歲次壬午則年上爲二字又朔日爲庚子推至十一日爲庚戌則月下爲朔字十下爲一日二字

春秋口口八有塋於西陵張氏口口表

按八有二字倒上爲十字應作口十有八氏下據墓表例當爲之墓二字